

曾文正公奏稿

第三函
六冊

曾文正公奏稿

卷之二十六目錄

謝京察優敘

恩摺

同治六年四月十六日

陳明天旱水涸及東西兩路軍情片

五月十五日

謝授大學士

恩摺

六月初十日

鮑超懇請回籍養病摺

全日

江甯昭忠祠合祀楚軍水陸營官片

霆軍分別撤留婁雲慶另募新軍摺

七月
陝西
歸九日

籌撥直隸安徽協款試辦導淮摺

全日

籌撥丁卯大運銀兩片

甄別府縣等官摺

九月十八日

烈婦程胡氏請旌片

李朝斌本姓王氏請仍歸李氏片

十一月初三日

籌辦本年江北新漕摺

十二月初三日

預籌明年協甘餉銀摺

全日

江甯建立軍營官紳昭忠祠摺

全日

謝加恩賞世職摺

同治七年正月十七日

擬補長江水師各缺續陳未盡事宜摺

三月初五日

陸營借補小缺請飭部核議片

六年江北冬漕併歸海運詳議章程摺

全日

張詩曰病故請卹摺

全日

擬赴上海查閱鐵廠片

四月初七日

遵旨酌提制錢解津摺

閏四月十四日

直隸陝甘協餉分別籌辦摺

全日

調閩省輪船赴津巡洋片

謝授武英殿大學士恩摺

五月初八日

水師赴防運河湘營添募新勇片

張運桂附祀張運蘭祠片

六月十八日

胡開泰正法片

預籌撤勇經費摺

七月二十二日

查明運河水誌情形摺

全日

謝京察優敘

恩摺

同治六年四月十六日

奏爲恭謝

天恩仰祈

聖鑒事竊

臣

於三月十二日接准吏部咨開同治六年正月二

十三日內閣奉

上諭協辦大學士兩江總督曾國藩公忠素著保障東南著交部從優議敘等因欽此當卽恭設香案望

闕叩頭謝

恩訖伏念

臣

督師勦擒未立寸功屢爲言路所糾彈悉荷

聖恩之寬宥撫衷自問正切悚慚上年疊奉

溫綸命回本任自二月回省以來竊見東南數省雖就肅清而田舍荒蕪人民稀少數千里間被兵之困實爲數百年來未有之事自淮徐以南皖潯以東去歲多被水災今春又苦久旱饑民載道生意日凋思欲漸培元氣卹此遺黎而中原之捻患未平西路之回氛尙熾杼軸悉取諸東人絲毫皆出自民力臣忝膺重寄無術補苴早夜以思憂愧無地乃蒙

聖慈曲逮上考濫膺聞

命之餘更深感悚

臣

惟有勤以補過愼以圖功敢言保障之勞

益矢愚誠之素庶期仰答

高厚鴻慈於萬一所有

微臣

感激下忱謹繕摺叩謝

天恩伏乞

皇太后

皇上聖鑒謹

奏

陳明天旱水涸及東西兩路軍情片

同治六年五月十五日

再任賴逆殷自鄂省出竄現在擾至葉裕許州一帶已有東趨之勢山東防務以運河爲最要去年逆蹤三次竄撲均經苦戰擊退固由防務之嚴密亦恃水勢爲屏蔽本年天氣亢旱河水乾涸臣率屬步禱已逾兩旬雖於四月二十四日五月初三初十日得雨三次均未霑足農田枯坼禾稻不能栽插鹽河無水鹽斤不能出場遠近祈禱人心皇皇皆由微臣位高德薄上干

天和累及斯民憂愧無地徧詢各處湖南江西浙江等省及蘇松徽甯等府已得透雨安廬鳳潁淮揚江鎮等府及鄰省湖北均未得沛甘霖若過夏至不雨則旱災已成不特民食軍餉兩

無所出且恐飢民流而爲寇軍務愈形棘手目前運河日涸水
師無可展施旱兵尙嫌單薄賊如悉數猛撲恐上年之濬河修
牆前功盡棄此東路軍情之可慮也至陝西張逆一股屢經劉
松山擊敗逆焰漸衰聞有回竄出關之意如又竄至豫鄂應請
旨敕下李鴻章仍檄劉松山追賊東還不宜久留秦中一則道
途太遠糧餉難運一則該軍與捻逆接仗已多深悉賊中伎倆
應令各軍全力合謀先保中原腹地臣治捻無功抱愧莫釋天
時人事交惕於中苟有所見不敢不據實上陳伏乞

皇太后

皇上聖鑒訓示謹

奏

謝授大學士

恩摺

同治六年六月初十日

奏爲恭謝

天恩仰祈

聖鑒事竊

臣

接准吏部咨開同治六年五月初九日內閣奉

上諭曾國藩著補授大學士仍留兩江總督之任欽此當卽恭設香案望闕叩頭謝

恩訖伏念

臣

材識疎庸班資尙淺謬點參知之位久懷覆餗之

虞比以勦捻無功回居本任尤抱慙於衾影若冒涉於冰淵茲

乃欽奉

恩綸晉階端揆處人臣之極地爲稽古之至榮當此時事多艱
討賊無效旣幸寬於譴責反旣晉乎台司

恩遇彌隆悚惶何極

臣

白回江南倏逾三月精力日減舊病未

痊文牘憚於詳求賓僚艱於接見不特軍國大計無補絲毫卽
論吏事之多疎已覺斯職之不稱五月初間本擬具疏陳情讓
賢避位時以亢旱爲災民心惶懼今則羣賊東竄軍事方殷自
當補救乎艱虞未敢輕言乎進退赧顏而拜

新命撫躬而省舊愆惟有勉竭愚誠強扶衰疾更集思而廣益
冀補過而盡忠或以仰答

高厚鴻慈於萬一所有

微臣

感激下忱謹繕摺叩謝

天恩伏乞

皇太后

皇上聖鑒謹

奏

奏和名三

奏和名三

奏和名三

奏和名三